

The Electronic *Manipulus florum*
www.manipulusflorum.com

Antichristus e
cum fonte primo

Dyaboli custodie
annos mille intelligimus,

id est annos omnes suos queque pars habeat
diuersis ac propriis prolixitatibus finiendo,

sicut de CCCC annis in XVI
huius operis uolumine disputauit,
quoniam plus aliqui erant
et tamen quadringenti sunt nuncupati.

Augustinus ibidem (XX. de ciuitate Dei)
capitulo XIII.

← Remanet igitur, ut, cum audimus: *Sacerdotes
Dei et Christi regnabunt cum eo mille annis,
et cum finiti fuerint mille anni,
soluetur Satanus de custodia sua,*
aut non regni huius sanctorum
intellegamus annos mille
finiri, sed uinculi
→ diaboli atque custodiae,
ut annos mille,
id est annos omnes suos, quaeque pars habeat
diuersis ac propriis prolixitatibus finiendos,
ampliore sanctorum regno, breuiore diaboli
uinculo; aut certe, quoniam trium annorum
et sex mensum breuissimum spatium est,
computari noluisse credatur,
siue quod minus satanae uinculum,
siue quod amplius uidetur
regnum habere sanctorum,
sicut de quadringentis annis in sexto decimo
huius operis uolumine disputauit;
quoniam plus aliquid erant,
et tamen quadringenti sunt nuncupati;
et talia saepe reperiuntur in litteris sacris,
si quis aduertat.

Augustinus Hipponensis, *De ciuitate Dei*, 20.13
(CCSL 48, B. Dombart ed., p.723, ll.54-68).